

NTIÑ-NNIM IKỌ KE ABAÑA AKWA UKUT

Isaiah 24:1-23; 26:19-21; 34:1-8

ỌYỌHỌ UKPEP-ŃKPỌ 351

Eke Mkparawa

IKỌ IBUOT: “Afo edi ebiet-udibe mi ye otu-ekọñ mi: mmebet uyo fo” (Psalm 119:114).

Mme Ikọ Abasi

Isaiah ekedi anditiñ ntiñ-nnim ikọ. Enye ama etiñ mme Ikọ Abasi ọnọ Nditọ Israel, ndien ewet mme ikọ esie ke Edisana Ẹwed Abasi man ada ufọn ọsọk kpukpru owo. Abasi ekedemere Isaiah man etiñ mme ńkpọ ekedidade itie ke ini iso, ndien ndusuk mme ntiñ-nnim ikọ Isaiah ema etọñ ndisu. Isaiah ama etiñ abaña emana Andinyaña. Enye ama ọdọhọ ete: “Koro eyen amanade ọnọ nnyin, enọ nnyin eyen-eren” (Isaiah 9:6). Ikọ emi ama osu ke ini Jesus akamanade. Isaiah ama ọdọhọ ńko ete: “Edi enye akada unan abaña mme idiọk ido nnyin, anuaha abaña mme ukwañ-ńkpọ nnyin: ufen odoro enye ke idem man nnyin ikut emem; ndien inia esie ọkọk nnyin” (Isaiah 53:5). Mme ikọ emi ekenyan ubọk ewut edikọñ Jesus ke krọs emi ama akada itie ke ediwak isua ema ekebe.

Emi Enyenede Ndisu

Ndusuk ntiñ-nnim Isaiah isuhu kaña. Isaiah ye mme anditiñ ntiñ-nnim ikọ eken ema etiñ ńkpọ ebaña Akwa Ukut. Ẹkpọ emi idaha itie kaña edi ekeme ndisọp nsim ererimbot ye mme owo ekedude ke ererimbot.

Ukut edi ini ntuaña ye eseme. Akwa Ukut eyesọñ odudu ndien ke mikpesibeke mme usen oro emuhọ, baba owo kiet ikpọbọhọke (Matthew 24:22). Isaiah ama ọdọhọ ete ke mbio emi edisuhode “enyuñ edi esisit.” Ukut oro eyekpon akan ukut ini eñwen, “oruk eke akanam miduhe toto ke eritọñ ererimbot ... eke midinyuñ iduhe aba” (Matthew 24:21). Akwa Ukut eyesim kpukpru owo ekedude ke isọñ. Idisioho baba owo kiet ifep. Kpukpru owo eyekut ukut, oro edi, mme anam-utom ye mme andikara mmọ, mme owo ye mme nsu-nsu ọkwọrọ-ikọ mmọ, mme andinyam ye mme andidep, enyene-ńkpọ owo ye ubuene.

Isọñ Enyek

Akwa Ukut edituk isọñ ye mme andiduñ isọñ didie? Isọñ ke idem esie eyena ukpọk “onyuñ abiara ofuri-ofuri”. Isọñ eyedi mbiara ye ukpọk ye se esobode. Akwa unyek-isọñ eyedu. Isaiah ọkọdọhọ: “idak isọñ onyuñ enyek ... ererimbot enyek ọkpọsọñ. Ererimbot eteteñ nte owo mmin, onyuñ ofofum nte hammock.”

“Jehovah ... onyuñ okubi iso esie” “enyuñ emen kpukpru ikpọ obot ye isuo efep ke itie mmọ” (Eriyarare 6:14), enyuñ esop ke enyin (Eriyarare 16:20), ntantafiọñ ikpa-enyọñ enyuñ ekibe eduọñ ke isọñ, ọfiọñ onyuñ akabare oyibe “nte iyip,” utin onyuñ akabare ebire nte ọfọñ-ikpọ eke edade idet edọk (Eriyarare 6:12, 13). Isaiah ọkọdọhọ ete: Ererimbot atua, akpa, ekondo eyemere, akpa, ata ikpọ mbon ererimbot eyemere.

Ekpọñ Enye

Emekpọñ owo ye isọñ, ndọnesit inyuñ iduhe aba inọ mmọ. Mmọ eyekabare emem, odudu inyuñ iduhe ke mmọ aba. Eyesuhọre mbon iseri. “Emekọbi kpukpru ufọk, owo idukke duk.” Idara me inemesit inyuñ iduhe. Ikwo idara etre, ńkpọ iduhe ndinam esit enem. “Ofuri idaresit omokure, idara ererimbot amatak.” Ubọhọ ididuhe inọ mme owo ke isọñ. Mmọ oro edifehede ikpọñ ndik eyebe eduk ke efen.” “Owo eke efehede abak uyom ndik eyeduọ ke ukpe, ndien owo eke otode ke ufọt ukpe ọdọk eyemum ke mfine” (Isaiah 24:18).

Akwa ukut edidi ini nnanenyin, idihe kiet, edidi ediwak. Ema ewut John Edima ndise ini Akwa Ukut emi Isaiah ekewetde abaña. John ama okut mme nwure emi nte asañade ebe kiet-kiet, nte mbon

enañ-mbakara ewatde ke isoñ. Ekõñ ye akañ ye mkpa, idiok udõño ye ndutime eyeyohõ ererimbot nte ewetde ke Eriyarare 6. Ke ido emi ke mme idiok owo edibõ ufen. “Eyenyuñ etañ mmõ ebon õtõ kiet, nte mbon ñkpõkõbi ke obube, enyuñ ekõbi mmõ ebaha ke ufõk ukwak” (Isaiah 24:22).

Ufen

Nso edi ntak emi edade ofuri ufen emi etiene ererimbot? Isaiah ama õõõ ntak. Enye ama õõõõõ ete: “Isoñ onyuñ edehe ke idak mmõ emi eduñde ke esit: koro mmõ eduede mbet, ebiatde ewuhõ, enim nsi-nsi ediomi ke ikpikpu. Oro esin isuñi adiaide isoñ, enyuñ enõ mme andidun ke esit ufen”. Ema etiñ enõ Nditõ Israel ete ke mmõ eyebõ eridiõñ edieke mmõ edikopde uyo Abasi. Edieke mmõ etutde utõñ ye Abasi ye Ikõ Esie, isuñi eyetiene mmõ. Moses ama õõõõõ ete: “Mbufo esin esit mbufo ke kpukpru ikõ emi ... koro edide uwem mbufo” (Deuteronomy 32:46, 47).

Oto ke ikõ mme anditiñ ntiñ-nnim ikõ, etiñ enõ nnyin emi idude mfin se iditibede edieke nnyin itutde utõñ ye Abasi, edieke ikpuhõrede mme mbet Esie, edieke ibiatde eñwõñõ Esie. Mfin ediwak owo esin Abasi ye mbet Esie ke ndek; mmõ ekpono okuk; mmõ edu uwem uko-uko ke idiok-ñkpõ. Edi ke usen iyaresit Abasi, owo eyeda ibõk sidibe (silver) esie, ye ibõk eme (gold) esie õduõk õõõ oyit ye emiañ (Isaiah 2:20); mmõ eyedibe ke mme aba ye ke ikpõ itiat emi odude ke ikpõ obot; mmõ enyuñ edõhõ ikpõ obot ye ikpõ itiat ete eduõ efuk nnyin, enyuñ edip nnyin, man nnyin ibõhõ ubierikpe Abasi (Eriyarare 6:15, 16).

Ubõhõ ididuhe ke ini Abasi edidade iyaresit Esie etiene mme idut (Isaiah 34:2). Ediwak eyekpa. “Koro Jehovah onimde usen usiene” (Isaiah 34:8). Jehovah eyenõ ererimbot ufen abaña mme idiok-ñkpõ mmõ (Isaiah 26:21).

Ebiet-Udibe

Nte ebiet iduhe ndidibe mbõhõ mme ñkpõ-ndik emi Isaiah õõõõõde ete ke eyetiene ererimbot? Isaiah ama ewet ke Ikõ Abasi: “Ikõt mi, mbufo eka ekeduk ke mme ubet mbufo, enyuñ eberi itim mbufo ebaha idem mbufo: edibe ini esisit ntem, tutu ikpahesit ebe” (Isaiah 26:20). Ih, ebiet-udibe odu õõõ ikõt Abasi. Mbemiso Akwa Ukut, Christ eyedi ndisio ikõt Esie ke ererimbot emi man edu ye Enye. “Koro Qbõñ ke Idem Esie eyeto ke heaven õsuhõre ye mkpõ, ye uyo archangel, ye ukorowo Abasi; ndien mmõ emi ekpañade ke Christ eyebem iso eset: ndien eyemen nnyin emi idude uwem, emi isuhõde, edõk ye mmõ ke ikpa-enyõñ, man isobo ye Qbõñ ke enyõñ, ntem ke nnyin ididu ye Qbõñ ke nsinsi” (1 Ñwed Thessalonica 4:16, 17).

Mbeñidem

Ebiet-udibe ke Christ ana õõõ ikõt Esie ikpõñ. Se ibehede nnyin edi nnyin ndidi ikõt Jesus, ndinyuñ mbeñidem man isobo ye Enye. Ñwed Abasi ekpep ete ke nnyin inyene ndisaña ke ofuri uñwana emi Abasi õõõde nnyin man ikeme ndidi ata mme andikan, emi edude ke mbeñidem ndisobo ye Jesus. Nnyin emi ima ikõbõ uñwana imekpep ito Ñwed Abasi nte ke ana efen mme idiok-ñkpõ nnyin, idu edisana uwem enyuñ eyõhõ nnyin ye Edisana Spirit man ikeme ndibeñe idem mbet eridi Jesus.

Owo ekeme ndibõ erifen ke idiok-ñkpõ oto ke edibõñ akam nnyuñ mbeñe Abasi ete efen ke mme idiok-ñkpõ esie. (Kot Mme Ñke 28:13 ye 1 John 1:9). Ke owo ama õkõbõ erinyaña, ana nte enam enye asana. Ke edibõñ akam ye ke ediyak idem nno Abasi, owo eyebõ edinam-asana, mfõn emi osiode oruñ idiok-ñkpõ ke uwem owo onyuñ õõõ owo ukeme ndidu edisana uwem. “Koro emi edi uduak Abasi, ete mbufo ekpekabare esana” (1 Ñwed Thessalonica 4:3). Owo ndidu edisana uwem idighe uduak Abasi ikpõñ, edi emi edi se anade edi ntre koro Ñwed Abasi õõõõõ ete “Etiñ enyin esaña ke emem ye kpukpru owo; enyuñ esaña ke edisana ido; koro esiode oro efep, baba owo kiet idikwe Qbõñ” (Mme Hebrew 12:14).

Idaha efen mmõdo emi nnyin inyenede ndida man ikeme ndisaña ke ofuri uñwana emi enõde nnyin, man ikeme ndibeñe idem mbet eridi Jesus. Oro edi Uduõk-mmõñ Edisana Spirit emi Jesus õkõñwõñõde õõõ mbet Esie (Utom Mme Apostle 1:5), ndien uñwõñõ emi enyene “adaña owo nte Jehovah Abasi nnyin edikõde etiene Enye” (Utom Mme Apostle 2:39). Uduõk-mmõñ Edisana Spirit õõõ owo odudu ndinam

utom ye odudu ndidi ntiense nnọ Ọbọñ. Nte afo emenyene mme mfọn emi? Nte afo emebeñe idem ebet eridi Jesus? Edieke ukorowo Abasi okposiorede uyo idahemi, nte afo okposobo ye Enye ke enyọñ?

Isaiah iketiñke ibaña Akwa Ukut ikpọñ, edi ama etiñ abaña ebiet-udibe emi odude ọnọ ikọt Ọbọñ. Andiwet Psalm ñko etiñ abaña ebiet-udibe. Enye ọdọhọ ete: “Abasi Jacob edi ebiet-ubọhọ nnyin” (Psalm 46:11). David ama ọdọhọ ete: “Mmebeñe Jehovah ñkpọ kiet, ndien nyeyom enye; nte nduñ ke ufọk Jehovah ke ofuri uwem mi, man nse uyai Jehovah, nnyuñ ntim mbup ke temple esie. Koro enye eyefuk mi ke ataya esie ke usen idiok: eyedip mi ke ndibe ebiet iduñ esie” (Psalm 27:4, 5).

Nnyin ikpeyakke ndik akan nnyin. Nnyin imekeme ndidi mme andikan oto ke mbuotidem. Ikuyak mme ikọ Isaiah anam nnyin idighe edi yak nnyin ikam ibeñe idem, inam utom, ikpeme, inyuñ ibet eridi Ọbọñ, ndien ke ntre ibọhọ Akwa Ukut emi editienede ererimbot.

MME MBUME

1. Nso edi utom anditiñ ntiñ-nnim ikọ?
2. Nso edi mme ntiñ-nnim ikọ Isaiah emi osude?
3. Nso edi ukut?
4. Nso edi ntak emi Akwa Ukut edidide?
5. Akwa Ukut edida itie ke mmọñ?
6. Didie ke Akwa Ukut edituk mme owo?
7. Nso iditibe ye utin, ọfiọñ ye ntantafiọñ?
8. Didie ke mme ndinen owo edibọhọ Ukut oro?
9. Nso ke owo enyene ndinam ndidu ke mbeñidem mbet eridi Ọbọñ?
10. Didie ke nnyin ifiok ite ke Ukut eyedu?